



25-06-2021  
Suliaq nr.: 2021 - 10790  
Id. nr. 65327940

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
www.naalakkersuisut.gl


## Mittarfiliortiternerit aamma Kalaallit Airports International A/S-ip aningaasaatinut aningaasaliiffigeqqinneqarnissamut pisariaqartitsinera pillugu nassuiaat

### Aallaqqaasiut

Naalakkersuisut mittarfiliortiternerit pillugit ammanerusumik pissuseqarnissamik kissaateqarput, aammalu nassuiaat manna atorlugu suliassat ataasiakkaat siumut ingerlaneri pillugit nassuiaateqarusullutik.

Nassuiaammi mittarfiliortiternerit akuersissutigineqarnerisa oqaluttuassartaannut, aammalu mittarfiliortiternerit akuersissutigineqarnerisa kingorna sanaartugassanut aningaasartuutissatut naatsorsuutigineqartunut tunuliaqutaasut allaaserineqarput. Tamatuma saniatigut mittarfiliortiternerit sanaartornermut aningaasartuutinit kingunerisassaasut nassuiaatigineqarput. Nassuiaat Kalaallit Airports A/S-ip (KAIR) ikiuunneratigut suliarineqarpoq.

### Oqaluttuarisaanera




Inatsisartut UKA 2015-imi 18/167-imut aalajangiinerat tungavigalugu sanaartornermut ataatsimiititaliap Nuummi Ilulissanilu nunani tamalaani mittarfimmi, minnerpaamik 2.200 meterinik aamma Qaqortumi nunap immikkoortuani mittarfimmi, minnerpaamik 1.499

meterimik sananissamut pilersaarusiortoqarnissaanik Naalackersuisunut peqqusinissamut kissaataa piviusunngortinneqarpoq. 2016-imi KAIR pilersinneqarmat, ingerlatseqatigiiffik mittarfiliassanik, taaneqartunik takissusilinnik piviusunngortitsinissamut peqquneqarpoq, tamannalu Nuummi aamma Ilulissani nunanit tamalaanit mittarfiit kiisalu Qaqortumi nunap immikkoortuani mittarfiup sananeqarnissaannut, ingerlanneqarnissaannut aningaasalersorneqarnissaannullu killiliussatut piumasaqaatit pillugit Inatsisartut inatsisaat nr. 4, 22. november 2018-imeersumut nassuiaatini allassimavoq.

2018-imi sinaakkusiussanut piumasaqaatit pillugit inatsit tunngavigalugu Nuummi, Ilulissani Qaqortumilu mittarfiit sanaartorneqarnissaannut, ingerlanneqarnissaannut aningaasalersorneqarnissaannullu piumasaqaatit sinaakkusiussallu sukumiisut Inatsisartunit akuersissutigineqarput. Inatsit tunngavigalugu Naalackersuisut Nuummi Ilulissanilu mittarfiliassanut nammineerluni aningaasaatit ilaannut aammalu Qaqortumi mittarfiup tamakkiisumik aningaasalersornissaanut 2,1 milliarder koruunit tikillugit aningaasalersuinissamut piginnaatinneqarput.

Inatsisissatut siunnersuutip aappassaaneerneqarneranut atatillugu allannguutissatut siunnersuummik saqqummiussisoqarpoq, tassungalu Naalagaaffiup mittarfiliortiternernut aningaasaleeqataanissaa aammalu KAIR International A/S-imut (KAIR Int.) piginneqataalernissaa ilanngunneqarpoq. Tamatumunnga atatillugu aningaasaqarnermut tunngavissat aamma suliassanut piginnittoqarnek allanngortinneqarput.

Isumaqatigiissuteqarnerup kingunerisaanik Naalagaaffik KAIR Int.-imut 700 millioner koruuninik aningaasaliissuteqarpoq. Ingerlatseqatigiiffimmut Namminersorlutik Oqartussat 66,66%-inik piginnittunngorput, kiisalu Naalagaaffik 33,33%-inik piginnittunngorluni. Tamatuma saniatigut Naalagaaffik 450 millioner koruuninut, ingerlatseqateqatigiiffiup Den Nordiske Investeringsbank-imut taarsigassarsiaanut qularnaveeqqusiivoq. Naggasiullugu Naalagaaffik 450 millioner koruuninik KAIR Int.-imut taarsigassarsititseqqippoq.



### KAIR-ip ilusiligaanera

Kalaallit Airports-imi suleqatigiinni ingerlatseqatigiiffiit pingasuupput, taakkunungalu atasunik pingasunik siulersuisoqarlutik. Suliassap aaqqissuussaananeranut, tassungalu ilanngullugu aaqqissuussaananermik, piginnaanilinnik sulisoqartumik pilersitsinermut Kalaallit Airports Holding A/S tunngavigineqarpoq. Sanaartornermi suliat inatsisitigut aningaasaqarnikkullu ingerlatseqatigiiffinnut allanut pituttugaapput: Kalaallit Airports International A/S-imut, Ilulissani Nuummilu mittarfiliortuusumut, kiisalu Kalaallit Airports Domestic-imut (KAIR Dom), Qaqortumi mittarfiliortuusumut.

Ingerlatseqatigiiffiup sananeqaatissaa ilusissaalu, kiisalu piginnittoqarnera toqqarneqartoq atorlugu KAIR Int. aamma KAIR Dom. suliffeqarfiupput immikkoortinneqarluinnarsimasut, aammalu taakku akornanni aningaasaqarnikkut aaqqissuussaananikkullu qaleriissitsisoqarsimangilaq. Tassalu assersuutigalugu ingerlatseqatigiiffiit akornanni taperseeqatigiissitsisoqanngilaq taamaaliortoqarsinnaaniluunniit.

### Kalaallit Airports International A/S-ip sanaartornerani killiffiit

#### Ilulissani mittarfiliorneq



Naijoqutarisaq: KAIR.GL

2019-imi mittarfiup nutaap sananeqarnissaanut KAIR Int.-ip aamma Munck gruppen A/S-ip iluanni isumaqatigiissusiortoqarpoq. Sanaartugassat 2020-mi qaammatit pingasukkaat aappaanni aallartinneqarput, aammalu 2024-mi qaammatit pingasukkaat sisamaanni naammassineqarnissaat naatsorsuutigineqarlutik. Tamanna aallaqqaammut pilersaarutaasunit kingusinneruvoq. Kinguaattoornermut aallartiffissatut pilersaarutit malillugit aallartinniarnermi ajornakusoortoqarnera, tamatumalu peqatigisaanik coronap tuniluutilerana, kiisalu suliassaq ataatsimut isigalugu kinguaattoorutit pequtaapput. Ilulissani mittarfiliornermi mittarfik 2.200 meteri, timmisartut ingerlaarfii marluk, timmisartut unittarfiat, terminalaqarfik aamma illut kiffartuussiviit sananeqartussaapput. Taakku saniatigut biilnut unittarfik, aqqusineq, ilulissat illoqarfiata tungaanut aqqusinnermut pingaarnermut atassuserneqartussa, aamma qimussit illerninik allangortitsineq sanaartorneqassapput.

Mittarfik ILS-inik (Instrumentit atorlugit mikkiartornermut atortunik) atortulerneqassaaq, taakkulu tassaapput atortut, isikkivilutsillugu minnissamut ajornarunnaarsitsisussat.

Ilulissat mittarfianni sanaartornermut aningaasartuutissat 1.362 mio. koruuninut missiliorneqarput. Tassani 363,9 mio. koruunit atorlugit sanaartugassat, kiisalu 71,3 mio. koruunit atorlugit mittarfiup aallarnisarneqarnerani ingerlatsinnermut aningaasartuutissat eqqarsaatigineqanngillat. Naatsorsukkat nutaat, mittarfiliornermut atatillugu aningaasartuutissanut tamarmiusunut akuutitsiviusut takutippaat, mittarfiliornermut aningaasartuutissat katillugit 1.795,9 mio. koruuninik amerlassuseqassasut.

1. juni 2021-mi sanaartornermi suliat uku ingerlapput:

Entrepreneurip atortunut inissiivissaa aamma sannavissai sananeqareerput. Taamatutaaq inissiisarfiit immikkoortui siullit pilersinneqareerput, immikkoortuisa aappaat aallartinneqarpoq, taakkulu pisaartumik naammassinissaat naatsorsuutigineqarpoq. Qaartiterinerit aallartinneqareerput, tasanilu sumiiffimmi terminalip illutaata kiisalu illut kiffartuussiviit inissisimaffissaanni attaveqaatilersuineq sanaartorfissagissaanerlu aallunneqarput. Taamatutaaq nutaamik qaartiterutaasiviliortoqarpoq, taamaalillunilu sumiiffik qaartiterinerit annertusinissaannut suliallu annertusinissaannut piareerpoq.

2021-mi apriliimi napasuliaasap, terminalip illullu kiffartuussiviit sananeqarnissaat pillugu KJ Greenland isumaqatigiissuteqarfigineqarpoq. Taakku saniatigut timmisartunut teknikkimut atortut, nassatat ingerlaarfiat, aputaajaanermut atortut il.il. pillugit isumaqatigiittoqarpoq.

## Nuummi mittarfiliornermi killiffik



2019-imi mittarfiup nutaap sananeqarnissaanut KAIR Int.-ip aamma Munck gruppen A/S-ip iluanni isumaqatigiissusiortoqarpoq. Sanaartorneq 2019-imi ukiakkut aallartinneqarpoq aammalu 2023-p naanerani naammassisussatut naatsorsuutigineqarluni. Tassani aallaqqaammut piffissamut pilersaarutaasoq malinneqarpoq. Kisiannili maannarpiaq suliassat ilaat nikisinneqarsimapput, taamaattumillu piffissamut pilersaarut pimoorussiffiuvoq.

Taassuma saniatigut 2021-mi napasuliaasap, terminalip illullu kiffartuussiviit sananeqarnissaat pillugu MT Højgaard A/S-imut isumaqatigiissusiortoqarpoq.

Nuummi mittarfiliornermi mittarfik 2.200 meteri, timmisartut ingerlaarfii marluk, napasuliaasap, timmisartut unittarfiat, terminaleqarfik aamma illut kiffartuussiviit sananeqartussaapput. Taakku saniatigut biilnut unittarfik aamma aqqusineq Nuup illoqarfiata tungaanut aqqusinermut pingaarnermut atassuserneqartussaq sanaartorneqassapput.

Ilulissani mittarfik assigalugu ILS-inik (Instrumentit atorlugit mikkiartornermut atortunik) atortulerneqassaaq, taakkulu tassaapput atortut, isikkivilutsillugu minnissamut ajornarunnaarsitsisussat.


Nuup mittarfiani sanaartornermut aningaasartuutissat 1.678,7 mio. koruuninut missiliorneqarput. Tassani sanaartugassat 364,3 mio. koruuninik nalillit, kiisalu ingerlatsinermut aningaasartuutissat, mittarfiup aallarnisarnissaanut 71,2 mio. koruuniusuteqqarsaatigineqanngillat. Naatsorsukkat nutaat, mittarfiliornermut atatillugu aningaasartuutissanut tamarmiusunut akuutitsiviusut takutippaat, mittarfiliornermut aningaasartuutissat katillugit 2.113,1 mio. koruuninik amerlassuseqassasut.

1. juni 2021-mi qaarsoq 3 mio. m<sup>3</sup> sinnerlugu qaartiterlugu piarneqarsimavoq, tassalu qaartiterilluni piagassat tamarmiusut affaat sinnerlugit annertussuseqartoq. Teminalip illutassaanut sanaartorfissagissagaq piaringajalerpoq, taamaattumillu MT Højgaard A/S-ip 1. juli 2021-mi terminalip illutassaa sanallugu aallartissinnaalissavaa. Atortussaasivik sananeqarluni ingerlavoq, taannalu august 2021-mi atorneqalernissaminut piariissaaq.

Illup sananeqarnerata aallartinnissaanut piareersaanermut atatillugu sanaartorfissagissaaneq annertunerusoq suliarineqarpoq, tassanilu innaallagissamut,

imermut atortunullu allanut, taakkunungalu timmisartunut teknikkimut atortut mittarfinnilu atortut ilanngullugit ruujorilersuisoqarpoq.

Kiisalu illunut mittarfinnullu isumaqatigiissusiornerup saniatigut timmisartunut teknikkimut atortunut, nassatat ingerlaarfiannut, aputaajaanermut atortunut il.il. isumaqatigiissu-siortoqarpoq.



### **KAIR Int.-ip aningaasaqarnerani killiffik**

KAIR Int.-p 2020-mi paasivaa, 900 mio. koruuninik aningaasaleeqqittoqarnissaa pisariaqartinneqartoq. Aningaasaleeqqinnissamut pisariaqartitat 900 mio. koruunit missaanniittut naatsorsuutitut ukununga agguarneqarput:

Tabeli 1

Aningaasaatinut aningaasaleeqqittoqarnissaanut pisariaqartitat	Mio. koruunit
Oqartussaasut piumasaqaataasa annertusineri, suliamut ilassutit akillu qaffanneri peqqutaallutik sanaartukkanut illunullu aningaasartuutissat amerlissutaat	747,2
Ingerlatsinermut aningaasartuutit	142,5
Saniatigut aningaasaliinissamut aningaasartuutissat	6
<b>Katillugit</b>	<b>895,7</b>

Mittarfiliortiternerni aningaasaqarneq pillugu ingerlatseqatigiiffiup Naalakkersuisullu aamma Naalakkersuisut aammalu Aningaasaqarnermut Akileraartarnermullu Ataatsimiititaliap akornanni ingerlaavartumik oqaloqatigiittoqarpoq. 2020-mi apriliimili sanaartugassanut missingersuutit aamma ingerlatsinermut aningaasartuutissat ingerlaavartumik uppersarsarneqartarput, ingerlatsinermut aningaasartuutissat 142,5 mio. koruunit aalajangersimasumik sulisunut, mittarfiit atorineqalinnginnerini atorfinitsinneqartussanut ilinniartinneqartussanullu aningaasartuutissanut tunngasuummata. Tassalu suliassat aallartinneriniilli atuilernissaq sioqqullugu ingerlatsinermut aningaasartuuteqartoqassasoq ilisimaneqarpoq.

747,2 millioner koruunit taakku sisamanik immikkoortoqarput:

- 1) Oqartussaasunit piumasaqaatit nutaat pingaartumik avatangiisinut piumasaqaatinut, aammalu Angallannermut Aqutsisoqarfiup piumasaqaataanut sakkortusisanut tunngasuupput. Aallaqqaammut missingersuusiordermi oqartussaasunit piumasaqaatit taakku siumut eqqoriarneqarsinnaasimangillat, piumasaqaatit taakku inaarutaasumik pilersaarusiordermut atatillugu takkuttuummata.
- 2) Pilersaarusiorderup ingerlanerani naatsorsuutigeriinngisanik unammilligassaqalernerup kingunerisaanik sanaartornermut missingersuutini allannguisoqarpoq. Taakku saniatigut unammilligassanik, suliap ingerlanerani KAIR Int.-imit ilisimaneqalersimasunik takkuttoqarpoq.
- 3) Mittarfiit illutaat. Mittarfiit illutaat aallaqqaammulli sulianut ilaatinneqarsimapput aammalu missingersuusiordermut ilaatinneqarsimallutik. Kisiannili missingersuutit naammangitsut paasinarsisimavoq aammalu aningaasat amerlanerusut atorlugit missingersuusiorderqarsimalluni. Matumani illut, mittarfiit ataatsimut ingerlanneqarnerinut, aammalu pingaartumik nunani tamalaani

angallannermi sullissinissamut pisariaqartut pineqarput. Taakku saniatigut pilersaarutininu siullernut inersuaq atortussaasivik ilanngunneqarpoq.

- 4) Naatsorsuutigeriinngisanut aningaasartuutit. Sanaartugassanut tamanut immikkut naatsorsuutigeriinngisanut aningaasartuutissanut aningaasanik immikkoortitsisoqartariaqarpoq. Naatsorsuutigeriinngisamik aningaasartuutissat soorunami naatsorsuutigineqareertanngimmata, suliat naammassitinnagit aningaasat amerlassusissarpiaat inaarutaasumik naatsorsorneqarsinnaanngillat. Aningaasat immikkoortinneqartut missingersuusiasunit ikinnerusinnaapput. Taamaalillunilu 747,2 millioner koruunit taakku tamakkerlutik ikilisinneqarsinnaallutik. KAIR-ip siulersuisuisa naliliinerat malillugu aningaasat atorneqartussat maanna naatsorsuutigisanit amerlanerulertussaannngillat. Aallaqqaammulli naatsorsuutiginnngisamik aningaasartuutissanut immikkoortitsisoqarsimavoq, aningaasalli taakku naammassimannngillat.

747,2 mio. koruuninut taakkununnga immikkoortiterilluni nassuiaasiorsinnaannginnermut, neqerooruteqartitsinissat aammalu isumaqatigiissusiassat eqqarsaatigineqarnissaat peqqutaavoq. Entreprenørit siumoortumik siunertanut ataasiakkaanut aningaasanik qanoq amerlatigisunik immikkoortitsisoqarsimanersoq pillugu atuagaqarsinnaanissaat Naalackersuisunit kissaatigineqanngilaq. Aningaasat isertuunneqarnissaannut tunngavissaaruteriarpat, aningaasat amerlassusii tamanut ammasumik saqqummiunneqassapput.

KAIR Int. ilisimatitsivoq, avataaniit aningaasalersuisartut aqqutigalugit taarsigassarsinikkut aningaasalersuisoqassasoq. Maannarpiaq Nationalbanken aqqutigalugu taarsigassarsititsisoqaqqissinnaanersoq misissuiffigineqarpoq. Tamanna anguneqarsinnaanngippat, niuernermit tunngaveqartuni taarsigassarsiniartarfiit aqqutigalugit taarsigassarsisoqassaaq. Taarsigassarsiassat Nationalbanken aqqutigalugu taarsigassarsiariteqqinneqarsinnaanissaannut Naalagaaffimmut isumaqatigiissut apeqqutaassaaq. Tamanna pillugu Aningaasaqarnermut Ministerieqarfiup oqaloqatigineqarnera aallartinneqarpoq, aalajangiinissallu 2021-mi ukiaq nallertinnagu pinissaa naatsorsuutigineqarpoq.

Aningaasaatinut amerlanerusunik aningaasaliiffigineqarnissamut pisariaqartitsineq Namminersorlutik Oqartussat aningaasaatinut aningaasaliissutaannut, allannguuteqaratik 1,4 mia. koruuninik amerlassuseqartussanut isumaqartussaannngilaq.

KAIR ilisimatitsivoq, Nuummi Ilulissanilu suliat taarsigassarseqqinnissaq naatsorsuutigineqaraluartoq suli imminnut akilersinnaasussaasut. Suliani ukiut arlallit ingerlanerini aningaasartuutaasimasut pissarsiareqqinneqarsinnaasut naliliisoqarmat,



aammalu niuernermit tunngavigineqartut suli isumalluarnarmata, niuernermik tunngavilinnik taarsigassarsisoqarsinnaanissaa naatsorsuutigineqarpoq. Ingerlatseqatigiiffik suli akiliisinnaassutsikkut patajaassuseqarluni 50%-imi inissisimavoq. Akiliisinnaassuseq ingerlatseqatigiiffinnut, Namminersorlutik Oqartussanit pigineqartunut allanut assersuukkaanni suli qaffasinnerusussaavoq.

Tabelimi matuma kingulianiittumi takuneqarsinnaasutut, KAIR Int.-ip aningaasaataani pisariaqartitat tamarmiusut 3,9 mia. koruuninik amerlassuseqarput, taakkunungalu aningaasaliissutissat ilassutissaat 900 mio. koruuniusut ilaatinneqarput. Aningaasaatinut aningaasaliissutissat aningaasaliiffinnut arlalinnut agguagaapput, taamaalillunilu aningaasaatinut aningaasaliissutissatut pisariaqartitat naapisinneqassapput.

Tabeli 2

Mio. koruunit*	KAIR Holding (Nunap Karsia)	Naalagaaffik	Nordiske Investeringsbank	Taarsigas-sarsiariteqqitat	Allanit aningaasaliissutit	Katillugit
31.12.2020-mi naatsorsukkat	695	348	0	0		1043
2021	200	100	0	300		600
2022	200	100	450	150		900
2023	305	152	0		500**	957
2024	0	0	0		400**	400
<b>Katillugit</b>	<b>1400</b>	<b>700</b>	<b>450</b>	<b>450</b>	<b>900</b>	<b>3900</b>

\*Najoqqutarisat: 2021-mi Kalaallit Airports A/S-imi Niuernermit Aningaasalersuinerimullu pilersaarut nutartigaq

\*\* Saniatigut aningaasaatinut aningaasaliissutissatut pisariaqartitat. Nationalbanken-imit tamakkiisumik ilaannaasumilluunniit taarsigassarsititsisoqarqinnissaa, kiisalu niuernermik tunngaveqarluni taarsigassarsititsisarfiit aqqutigalugit taarsigassarsititsisoqarqinnissaa apeqqutaatinneqassanersoq maannarpiaq misissuiffigineqarpoq

Namminersorlutik Oqartussat KAIR Int.-imi aningaasaatit ilassutissaannik pisariaqartitsinerup annertusineranit artukkerneqartussaannigkalluartut, suli saniatigut taarsigassarsineq kinguneqartussaavoq:

- 1) *Akiitsutigut nammagassat:* Nunatta akiitsutigut nammagai tamarmiusut artukkerneqarqissapput. Tamanna maannarpiaq toqqaannartumik isumaqartussaannigilaq. Kisiannili siunissami taarsigassarsisoqassappat aammalu akiliisinnaassuseqarneq naliliiffigeqqinneqassappat, tamanna nunatta taarsigassarsisinnaaneranut tamarmiusumut artukkiisussaavoq.
- 2) *Pissarsiassat:* Ingerlatseqatigiiffiup qaqugu sinneqartoorsinnaanissaanut piffissaliusaaq kinguartinneqarqissaaq sinneqartoortissallu annikillisinneqassallutik, saniatigut taarsigassarsiat akilersorneqarqaaqartussaammata. Tamanna piffissamut, ingerlatseqatigiiffiup

pissarsiassanik Nunap Karsianut aamma Naalagaaffimmut akiliisinnaalerfissaanut sunniuteqassaaq. Ingerlatseqatigiiffiup Niuernermut Aningaasalersuinernullu Pilersaarutaa iluarsisaq tunngavigalugu ingerlatseqatigiiffiup pissarsiassanik piginnittunut akiliisinnaassusia kinguartussaavoq annikillisussaallunilu. Naalagaaffimmut piginnittuunermut isumaqatigiisummi aalajangersarneqarpoq, piginnittut pissarsiassanut politikimi sakkortuallaanik piumasaqassanngitsut, aammalu tunngaviusumik ingerlatseqatigiiffiup sulinermini inuiaqatigiit siunnerfigissagai iluaqusiiffigissallugillu, aallaqqaammullu sinneqartoorutit ingerlatseqatigiiffiup patajaallisaqinnissaanut atorneqassasut. Kingusinnerusukkut piginnittut pissarsiassat tunngavigalugit inissanik tuniniaasoqassasoq aalajangissappata, tamanna piginnittunut naleqquttumik, aammalu tunngaviusumik piginneqataassut 66,66%-inut aamma 33,33%-inut agguarsimanissaat aallaavigineqassaaq.

- 3) *Atuisut akiliuteqartinneqartarnerat.* Niuernermut Aningaasalersuinernullu Pilersaarummi iluarsisami atuisut akiliutaannut (mittarfinnut akitsuutit il.il.) akit allanngortinneqanngillat. Akit akinullu tunngaviusut Naalakkersuisunit akuerineqartussaagaluartut, ingerlatseqatigiiffiup taarsigassarsiffigisaminut pisussaaffimminik naammassinnissinnaanera akit akinullu tunngaviusut akuerineqarnerinut atatillugu qulakkeerneqartassaaq.
- 4) *Ingerlatseqatigiiffiup eqaatsumik aaqqiisinnaanera.* Ingerlatseqatigiiffiup akiitsuisa qaffannerini, ingerlatseqatigiiffiup eqaatsumik aaqqiisinnaanera, aammalu ajornartoorfiusuni iliuuseqarsinnaanera annikillisussaapput. Kisiannili oqaatigineqassaaq, tunngavissat nutaajugaluartut ingerlatseqatigiiffik suli 50%-it sinnerlugit akiliisinnaassuseqarmat.

### **Mittarfeqarfiit suliaanut amigartooruteqarfiusunut tunngasut**

2018-imi mittarfiliortiternerit inuiaqatigiit aningaasaqarnerannut missingersuusiortarnerinullu kingunerisassaat Deloitte-mit misissuiffigineqarput. Taakkununnga ilanngullugu mittarfiit nutaat aningaasaqarnikkut iluaqutissartaat aningaasaqarnikkut akornutissartaannut sanilliullugit, taakkununngalu ilanngullugu Mittarfeqarfiit angallannerit ilusiligaanerinik allannguinermi isertitassanik annaasaqarneranni kingunerisassat misissuiffigineqarput.

Taamani inerniliissutaavoq, nutaanik mittarfiliortiternerup iluaqutissartai ajoqutissartaanit annerusussaasut – taakkununngalu Mittarfeqarfiit isertitassatigut annaasassaat ilaatinneqarput.

Naatsorsukkat taakku pitsaasuugaluartut, Mittarfeqarfiit mittarfiliortiternernit annertuumik eqqorneqartussaasut aalajangiusimaneqarpoq, niuerfiit sinneqartoorfiusut suliffeqarfimmiit peerneqartussaammata.

Tamatuma saniatigut Naalakkersuisut siunissami nunatsinni mittarfiit qulimiguulinnullu mittarfiit ingerlanneqarnissaannik aserfallatsaalineqarnissaannillu qulakkeerinnissamik kissaateqarnerat aalajangiusimaneqarpoq. Taamaattumik Mittarfeqarfiit aaqqissuussaannikkut aningaasaqarnikkullu sinaakutissaannik ersarissaanissaq sulissutigineqarpoq. Suliaq taanna nukingjunneqarpoq.

Taamaattumik Mittarfeqarfiit aktianik piginneqatigiiffinngorlugit – Mittarfeqarfiit A/S-imut – allannngortinneqarsinnaanerit, tamatumalu kingorna Kalaallit Airports Holding A/S-imut piginneqatigiiffiit akileeqataassutigineqarsinnaanerit piareersarlugu, Naalakkersuisut sulissutigaat. Marlunnik mittarfinni sullissisoqarani ataasiinnarmik sullissisoqarnissap pitsaanerpaanissaa tamatumunnga peqqutaavoq. Tamatuma saniatigut KAIR aamma Mittarfeqarfiit mittarfinni piginnaasassanik assigiinnik pisariaqartitsipput. Taakku ullumikkut Mittarfeqarfinni atorfeqarput. Tamatumunnga atatillugu ingerlatseqatigiiffiit marluusut assigiinnik piginnaaneqarfeqartut unammilleqatigiikkunnaassapput.

Atuisut (ilaasut) akiliisarnissaat mittarfeqarnermi aningaasaqarnermut aallaaviuvoq. Taamaattumik ullumikkut mittarfiit sinneqartooruteqarfiusartut aningaasanik amigartooruteqarfiusartunut akiliisarput. Ilulissani Nuummilu mittarfiit nutaat atorneqalernerini Mittarfeqarfiit isertittagaanit amerlangaatsiartut peertussaapput. Mittarfiit ataasiakkaat aningaasaqarnerisa paasiuminarnerusunik ersarinnerusunillu annertunerusunik pilersitsisoqarnissaa Naalakkersuisunit kissaatigineqarpoq. Maannarpiaq mittarfinni ataasiakkaani isertitat aningaasartuutillu tamarmik naatsorsorneqartarnerini, mittarfinnut aamma qulimiguulinnut mittarfinni ataasiakkaani Mittarfeqarfiit isertitaasa atorunnaarnerisa kingunerisassai eqqarsaatigineqartarput.

Mittarfiit amigartooruteqarfiusut ilaasa ingerlanneqarneri pillugit Mittarfeqarfinnut kiffartuussinissamut isumaqatigiissusiortoqarnissaa Naalakkersuisunit naatsorsuutigineqarpoq. Mittarfinni ataasiakkaani ingerlatsinermut aserfallatsaaliuinernullu aningaasartuutit matussuserneqarsinnaangippata, tamanna pisariaqartussaavoq. Mittarfinni ataasiakkaani aningaasaqarnermik ersarissaasoqarnissaa, aammalu 2021-mi ukiakkut inernerusunik saqqummiussisoqarnissaa Naalakkersuisunit naatsorsuutigineqarpoq.

Tamatuma saniatigut Naalakkersuisut Deloitte-p 2018-imi naatsorsugaasa ilaannik nutarterinermik aallartitsipput. Naatsorsukkat 2021-mi aasakkut naammassineqarnissaat,

tamatumalu kingorna tamanut ammasumik saqqummiunneqarnissaat naatsorsuutigineqarpoq.

### **Qaqortup mittarfissaani killiffiit**

Aallarniutigalugu pissutsit arlalippassuit KAIR Int.-ip aamma KAIR Dom.-ip akornanni immikkoorutaapput. Tassunga ilanngullugu suliffeqarfiit marluupput immikkoortut, tamarmik immikkut siulersuisoqartut aammalu tamarmik immikkut aningaasaqartut. Ingerlatseqatigiiffiit akornanni taperseeqatigiissitsisoqarsinnaanngilaq taamaattoqartussaananilu. Mittarfiliortiternissaq kingusinnerusukkullu piumasaqaatinut sinaakkutissatut inatsisip atuutilernera tunngavigalugit aalajangiisoqarpoq, Qaqortumi mittarfissaq Nunap Karsianit 100%-imik sanaartornermut aningaasaliissutitut aningaasaliiffigineqassasoq. Tamatumunnga ilaatigut mittarfiup pilersaarutigineqartutut angissuseqarluni mittarfiup taarsigassarsilluni aningaasaliiffigineqarnissaanut naammattumik isertitaqarsinnaanissaata naatsorsuutigineqannginnera pissutaavoq.

Inatsisartunit Qaqortumi mittarfik 1.500 meterinik takissusilik, sananeqassasoq salliunnikuuat. Mittarfik kingusinnerusukkut 1799 meterimut tallineqarsinnaasunngorlugu inissineqartussaavoq. Mittarfik pilersaarutigineqartutut takissuseqartussa qularsuaq qulaallugu aallarfinniit timmisartunik 70-100-nik ilaasulinnik miffigineqarsinnaasussaavoq.

Mittarfiliortiternermut atatillugu matuma siuliani allaaserineqartutut sanaartornissamut 669 mio. koruuninik missingersuusiortoqarpoq. Taamani Nuummi Ilulissanilu pisutut naatsorsuinermit atuilernissap tungaanut ingerlatsinermit aningaasartuutissat ilanngunneqanngillat. Ilaatigut tamanna pissutigalugu aningaasat amerlisimapput.

Mittarfissaq pilersaarutigineqartoq aningaasaqarnikkut imminut akilersinnaasussaannngimmat, avataaniit taarsigassarsilluni aningaasalersuinissaq anguneqarsinnaanngilaq. Tamanna pissutigalugu Inatsisartut aalajangiipput, mittarfissaq Nunap Karsianiit aningaasalersorneqassasoq. Sanaartugassaq ingerlatsinikkut imminut akilersinnaasussaannngimmat imaanngilaq, inuiaqatigiit aningaasaqarniarnerat eqqarsaatigalugit pitsaasunik pissarsiviusinnaanngitsoq, tamaat ataatsimut isigissagaanni. Kisiannili tamatuma kingunerisaanik niuernermit tunngaveqarluni taarsigassarsititsisartut naliliipput, atuisussat tunngavigineqartut piumasaqaatit nalinginnaasut atorlugit sanaartornermut aningaasartuutininik matusinissamut naammattunnik isertitaqartoqarsinnaanngitsoq. Aningaasartuutissat tamarmiusut isertitassatut naatsorsuutigisanit amerlanerummata, niuernermit pilersaarummi pigineqartumi amigartoortoqartussaananeramik takutitsinera tamatumunnga peqqutaavoq.

2018-imi aningaasaqarnermut naatsorsukkat siulliit takutippaat, mittarfik atorneqalereernermini amigartooruteqarfiussasoq. Aningaasartuutit, atuisut akiliutaannit matussuserneqarsinnaangitsut Mittarfeqarfiit ataanni mittarfiit allat assigalugit Namminersorlutik Oqartussanut kiffartuussinissamut isumaqatigiissutinit matussuserneqartarnissaat siunnerfigineqarpoq. Tassunga aningaasartuutit ilaatigut kommunimi, Namminersorlutik Oqartussani pisortallu immikkoortuini allani angalanernut sipaaruteqartarnikkut matussuserneqassapput.

Mittarfiup sananeqarnissarpiaa ingerlanneqarnissarpiaalu KAIR Dom-imit, KAIR-ip piginneqatigiiffiutaanit isumagineqassapput.

Qaqortup mittarfiata sananeqarnissaanut marloriarluni neqerooruteqartitsisoqarpoq. Neqerooruteqartitsineq siulleq 2020-mi aggustimi taamaatinneqarpoq. Taamani neqeroorutit tiguneqartut sanaartornermut missingersuutinit aalajangersarneqarsimasunit akitigut qaffasippallaarneri KAIR-ip tunngavilersuutigaa.

Neqerooruteqartitsineq tulleg siullermiit annertuneruvoq, tassani mittarfiup illullu sanaartorneqarnissaat ilaatinneqarmata. Aappassaannik neqerooruteqartitsinerneq neqeroorutit tiguneqartut suli isummerfigineqanngillat. 2021-mi aasap aallartinnerani isummertoqartussaavoq.

### **Qinigassat naatsorsukkallu nutaat**

Naalackersuisut naliiipput, mittarfiliortiternerneq naatsorsuisarnermut tunngaviusunik nutarterinissamut pisariaqartitsisoqartoq. Nutarterinerneq aalajangiisartut mittarfiliortiternerneq eqqortumik takussutissinneqarnissaat siunertarineqarpoq. Ingerlatsinerneq illunullu aningaasartuutissat pisariaqartut ilanngullugit naatsorsuisoqarsimannnginneranit, aamma KAIR INT.-imit pissarsiassat aqqutigalugit Mittarfeqarfiit amigartoorutaasa matussuserneqarsinnaanerineq ilimasunnerup annikillineranit, kiisalu Nuummi Ilulissanilu mittarfiit kinguaattoornerinit assiliaq sunniuteqarfigineqarpoq, naggataagullu nunarsuarmi tuniluuttoqarnera angalariaatsitsinnik suli inissivinngisatsinik allannguilluni. Taakku saniatigut Kangerlussuup mittarfiata atuinnarsinnaanissaa pillugu Naalagaaffik tunngaviusumik isumaqatigiissuteqarfigineqarpoq, taassumalu kingunerisassai suli qulaajaaffineqarput. Tamakku tamaasa eqqarsaatigalugit ilisimasat tunngavigineqartut nutarterneqarnissaat pisariaqartinneqarpoq.

Mittarfiliortiternerup tamarmiusup ilaataluunniit atorunnaarsinneqarnissaa qanoq akeqassanersoq paasiniaaffineqanngilaq. Tamanna pissappat soorunami aningaasartuutaareersut annaaneqassapput. Tamatuma saniatigut entreprenørinut

allanullu isumaqatigiissutit taamaatinneqarnissaat amerlanerusunik aningaasartuuteqarfigineqarnissaat naatsorsuutigineqarsinnaavoq. Mittarfiliortiterneq tamakkerlugu ilaaluunniit taamaatinneqassappat, minnerpaamik 800 millioner koruunit missaanniittut Kangerlussuarmi mittarfiup il.il. atuinnarsinnaanissaa qulakkeerniarlugu aningaasaliissutigineqartussaapput.

Tamanna tunngavigalugu Naalakkersuisut naliliipput, suliassat tamaasa taamaatinnaannut tunngavissaqanngitsoq.

Nuummi mittarfiliorneq siuangaatsiareerpoq, taamaattumillu aningaasaqarneq Nunallu Karsia eqqarsaatigalugit unitsinneqarnissaa ajornakusoortussaalluni. Ilulissani mittarfiliorneq naleqqussaavigineqarsinnaanissaa ilimanarpoq, kisiannili amerlasuunik aningaasartuuteqarfiunani unitsinneqarsinnaassanngilaq. Tamatuma saniatigut suliassat allannguutaat aningaasaqarnermut kinguneqangaatsiarnermik saniatigut kinguaattuungaatsiarnernik nassataqassapput. Assersuutigalugu mittarfiliortiterneri allannguinerit Angallannermut Aqutsisoqarfiup nutaamik akuersissuteqartinneqarneranik kinguneqartussaavoq, tamannalu suliamik sivikinnerpaamik ukiumik ataatsimik kinguaattoortitsisussaavoq.

Tamatuma saniatigut Nuummi Ilulissanilu sulianik allannguisoqassappat, Naalagaaffiup piginneqataaneranut isumaqatigiissutip isumaqatiginninniutigineqaqqinnissaa eqqumaffigissallugu pingaaruteqarpoq.

Qaqortumi mittarfiliassaq suli sunniuteqarfigineqaqqissinnaavoq.

Qaqortumi mittarfiliornissaq pillugu aalajangiinerup allanngortinneqarnissaa Inatsisartut kissaatigippassuk, Narsarsuarmi mittarfiup iluarsaannissaanut naatsorsuutigineqarpoq 186 mio. Koruunit atorneqassasut, kiisalu Kalaallit Nunaata kujataani attaveqaatit sinnerinik ineriartortitsinissamut aningaasarpasut atorneqartussaapput.

Taamaattumik aaqqiissutissanik ajornaatsunik, oqitsunik akikitsunilluunniit nassaarniartoqarsinnaanngitsoq ersarippoq. Attaveqaatit ataatsimut isigalugit akisuujupput, pingaartumik nunarujussuarmi siammasissunik ikittunillu inoqartumi.

Naalakkersuisut innersuussipput, eqqarsaatigisassat pingaarnert marluk eqqarsaatigalugit nuna tamakkerlugu attaveqaatinik ineriartortitsinissaq pisariaqartoq: najukkani innuttaasut eqqarsaatigineqarnissaat aammalu inuussutissarsiutinik ineriartortitsinerup eqqarsaatigineqarnissaa. Tamatuma saniatigut attaveqaatinik

pitsannguinermi nuna akimorlugu ataqatigiissitsisoqalertussaavoq, taamaalilluni innuttaasut ajornannginnerusumik angalasinnaalissammata.

Qaammatini tulliuttuni Inatsisartut ilisimasatigut tunngavissanik nutartikkanik ingerlaavartumik tunineqartassapput. Naalakkersuisuniit tamanna sulissutigineqassaaq, tamatumalu saniatigut Inatsisartut mittarfiliortiternerit pillugit aalajangiinissaannik sulissuteqarneq ingerlaqqissaaq. Misissueqqissaarnerit tapertaasussat naammassineqartarneri malillugit tamanut ammasumik saqqummiunneqartassapput.